

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për mbrojtjen e konkurrencës ("Gazeta zyrtare e Republikës së Maqedonisë" nr. 145/10, 136/11, 41./2014, 53/ 16 dhe 83/18), dhe duke vepruar sipas njoftimit të përqendrimit të parashtruar nga Junajted Media S.a.r.l. (United Media S.à.r.l.), me seli të regjistruar në adresën 6, rue Zhan Mone, L-2180, Luksemburg dhe Hostafrano Limited me zyra në adresën Arh. Makariou III, 58, IRIS TAUER, kati 8, 1075, Nikozia, Qipro, parashtruar përmes avokatit Bozhidar Millosheviq nga Shkupi, në seancën e mbajtur më 23.08.2022, solli

### AKTVENDIM

1. Vërtetohet se përqendrimi me të cilin Junajted Media S.a.r.l. (United Media S.à.r.l.), me seli të regjistruar në adresën 6, rue Zhan Mone, L-2180, Luksemburg dhe Hostafrano Limited me zyra në adresën Arh. Makariou III, 58, IRIS TAUER, kati 8, 1075, Nikozia, Qipro fitojnë kontroll të përbashkët mbi Adeba Investments Limited me zyra në Arh. Makariou III, 58, IRIS TAUER, Kati i 8-të, 1075 Nikozia, Qipro, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

2. Parashtruesi i njoftimit të përqendrimit obligohet të paguajë taksë administrative për njoftimin e përqendrimit në shumë prej 6.000,00 denarë. dhe për aktvendimin në shumë prej 30.000,00 denarë, sipas numrit tarifar 34 të Ligjit për taksë administrative ( Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

3. Padia për ngritjen e kontestit administrativ nuk e prolongon përmbarimin e aktvendimit.

### Arsyetim

Në përputhje me nenit 15 të Ligjit për mbrojtjen e konkurrencës më 12.07.2022, plotësuar më 11.08.2022, në Komisionin për Mbrojtjen e Konkurrencës (në tekstin e mëtejshëm: Komisioni), është dorëzuar njoftim për përqendrim nga Junajted Media S.a.r.l. (United Media S.à.r.l.), me seli të regjistruar në adresën 6, rue Zhan Mone, L-2180, Luksemburg dhe Hostafrano Limited me zyra në adresën Arh. Makariou III, 58, IRIS TAUER, kati 8, 1075, Nikozia, me të cilin Junajted Media S.a.r.l. Luksemburg dhe Hostafrano Limited Nikozia, Qipro, fitojnë kontroll të përbashkët mbi

Adeba Investments Limited me zyra në Arh. Makariou III, 58, IRIS TAUER, Kati i 8-të, 1075 Nikozia, Qipro.

Komisioni filloi me shqyrtimin e Njoftimit në ditën e pranimin të tij dhe në bazë të të dhënave të dorëzuara në Njoftimin e Përqendrimit, shtesave dhe bashkëngjitjeve në të, përcaktoi si më poshtë:

#### **Aktivitetet themelore të biznesit të ndërmarrjeve të përfshira:**

Junajted Media është tërësisht në pronësi të fondeve të këshilluara nga BC Partners, një fond investimi ndërkombëtar me bazë në Londër. Fondet e BC janë ekskluzivisht investitorë financiarë, d.m.th. nuk janë të përfshirë në aktivitetet e përditshme të biznesit të kompanive ku investojnë, të cilat menaxhohen nga bordet e tyre të drejtorëve. BC Partners është një fond investimi ndërkombëtar i cili ofron strategji investimi të përzgjedhura dhe të fokusuara që synojnë të plotësojnë njëra-tjetrën dhe të gjenerojnë fitime për të mirën e investitorëve të saj.

Për më tepër, Junajted Media është një shoqëri holding që është pjesë e një grupi më të ngushtë të përbërë nga BC Partners - Junajted Grup (United Group, i cili ofron shërbime telekomunikacioni dhe media në disa vende të rajonit. Junajted Media është një shoqëri tregtare e cila menaxhon shërbimet e medias dhe reklamave brenda grupit, duke përfshirë prodhimin dhe transmetimin e kanaleve televizive, prodhimin dhe prokurimin e përmbajtjeve programore dhe aktivitetëve të ngjashme.

BC Partners është i pranishëm në Maqedoninë e Veriut përmes shoqërive të mëposhtme të varura indirekt:

- Total TV SHPK Shkup, shoqëri e themeluar në përputhje me ligjet e Republikës së Maqedonisë së Veriut, me seli në Bulevardin VMRO nr. 3, Qendër, Shkup, Republika e Maqedonisë së Veriut, e cila merret me shpërndarjen e përmbajtjeve mediatike përmes një platforme teknike DTH;
- DIRECT MEDIA SHPKNJ Shkup, kompani e themeluar në përputhje me ligjet e Republikës së Maqedonisë së Veriut, me seli në adresën Orce Nikolov 68/3, Qendër, Shkup, Republika e Maqedonisë së Veriut, e cila merret me aktivitete të marketingut; dhe
- UGI FIBER SHPKNJ Shkup, shoqëri e themeluar në përputhje me ligjet e Republikës së Maqedonisë së Veriut, me seli në Bulevardin Partizanski Odredi nr. 14, Qendër, Shkup, Republika e Maqedonisë së Veriut, e cila merret me telekomunikacionet satelitore.

Gjithashtu, në territorin e Maqedonisë së Veriut, BC Partners, përmes Junajted Group, janë të pranishëm duke ofruar shërbimet e mëposhtme:

- Kanalet televizive të cilat transmetohen nga shoqëritë e lidhura, gjegjësisht të ritransmetuara nga operatorët lokalë, duke përfshirë N1, Grand, Cinemania, Sport Klub, Fight Channel, Pikaboo, Vavoom, IDJTV, Lov i Ribolov, Brainz, Nova S, etj.(Junajted Media);
- shërbime reklamimi (Direct Media (Direct Media), Kas Media (Cas Media));
- shërbimet e telekomunikacionit (TOTAL TV SHPK Shkup; të ardhura minimale në tregun vendor realizohen nga Serbia Brodbend - Srpske kablovske mrezhe d.o.o. Beograd (Serbia Broadband - Srpske kablovske mreže d.o.o. Beograd) dhe Telemah d.o.o. Lubjanë . (Telemach d.o.o. Ljubljana).

Hostafrano Limited është një shoqëri me përgjegjësi të kufizuar e cila është themeluar dhe që funksionon në përputhje me ligjet e Qipros. Aktivitetet e Hostafrano Limited janë të kufizuara në mbajtjen e pjesëve në shoqëri të tjera.

Hostafrano Limited, duke përfshirë personat e lidhur me të, nuk është i pranishëm dhe nuk gjeneron të ardhura në Republikën e Maqedonisë së Veriut.

Adeba Investments Limited është e angazhuar në ofrimin e shërbimeve të portalit të internetit me përmbajtje të përgjithshme, si dhe shitjen e hapësirës për reklamim në internet. Adeba Investments Limited zotëron portalet e internetit: Sportdog (<https://sportdog.gr>) dhe Newpost (<https://newpost.gr/>).

Adeba Investments Limited, përfshirë shoqëritë e lidhura me të, nuk është e pranishme dhe nuk gjeneron asnjë të ardhur në Republikën e Maqedonisë së Veriut.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij , veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

#### **Udhëzim për mjetin juridik**

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

**KRYETAR**  
**I KOMISIONIT PËR MBROJTJEN E KONKURENCËS**  
**Prof. Dr. Владимир Наумовски**